

癡狂心亂痛惱所纏

十五末

根本說一切有部毗奈耶卷第三十五

益五

賄呼每反敦丁昆反鹹咸營反磽下音確上音交反  
翹渠搖反御彌語反敵二音髀蒲米反倡昌上音伎昌上音痃救音  
窺下音規上音兼下音織反息廉反阿說捺下音捺反達達曳

羊逝打下音搭下音咄尺之反肩下音膊下音髀反口反撲反  
謂才笑反綵二反毯同他反棍下音擗下音擗下音擗下音  
援院音幾衣上反將渠反眇美小反婚下音媾下音媾下音  
下反蘇音孀音怒音庶音赴反小

根本說一切有部毗奈耶卷第三十六

唐三藏法師 義淨奉

足食學處第三十四

介時薄伽梵在室羅伐城逝多林給孤獨園告諸苾芻曰我為一坐食時常得少欲無病起居輕利氣力康強安樂而任汝等亦應為

一坐食由一坐食故亦得少欲無病起居輕利氣力康強安樂而住如佛所說一坐食時有如是功德時諸苾芻皆一坐食然正食時見阿遮利耶耶波馱耶及餘耆宿來至其處即便離座既離座已將為足食更不敢食由少食故顏色痿黃身體羸瘦世尊見已知而

故問阿難隨我一坐食乃至得安樂住教諸苾芻亦一坐食得安樂住何故諸苾芻顏色痿黃身體羸瘦阿難隨白佛言世尊如佛所說我一坐食得安樂住汝等亦應為一坐食得安樂住時諸苾芻如佛所教為一坐食正取食時見二師來及諸尊宿即起離座既離

座已將為足食更不敢食由少食故顏色痿黃身體羸瘦佛告阿難隨若苾芻食時乃至未足已來隨意飽食若受食已更不應起如佛所教乃至未足已來隨意飽食若受食已更不應起者時諸苾芻隨得多少羹菜之類及食熟豆即謂足食起已更不敢食由此因

緣身皆瘦損世尊見已問阿難陀曰我教諸  
 苾芻凡欲食時行鹽已去乃至未足已來隨  
 意飽食若受食已更不應起何故諸苾芻身  
 體羸瘦不能充悅時阿難陀即以上緣具白  
 世尊乃至身體羸瘦不能充悅世尊以是因  
 緣告阿難陀曰有五種珂但尼食是嚼齧起  
 食不成足食去何為五謂一根二莖三葉四  
 華五果食此五時不成足食有五種蒲縵尼  
 食是含嚼食成足食去何為五一餅二麥豆  
 餅三麩四肉五飯噉此五時名為足食若苾  
 芻先食五種嚼食後時得食五種噉食若先  
 食五種噉食更不應食五種嚼食若更食者  
 得越法罪如世尊說五種嚼食不名足食五  
 種噉食名足食者時諸苾芻所受得食纔食  
 少許有緣起已即謂成足更不敢食身皆瘦  
 損世尊見已知而故問阿難陀曰我說五種  
 嚼食不成足食五種噉食方是足食皆令飽  
 食何意苾芻身形瘦損阿難陀白佛言如佛

所說五種嚼食不名足食五種噉食是足食  
 者時諸苾芻所受得食纔食少許有緣起已  
 即謂成足更不敢食由是因緣身形損瘦  
 佛告阿難陀有五因緣方成足食復有五緣  
 不成足食去何五緣成足食一知是食二知  
 有授食人三知受得而食四知遮食五知捨  
 威儀去何知食謂知是五嚼食五噉食去何  
 知有授食人謂知女男半擇迦等去何知受  
 得而食謂二五食從他受得而食去何知遮  
 食謂遮二五食去何知捨威儀謂於此坐捨  
 之而起具此五緣名為足食去何五種不名  
 足食謂知非是食知無授人知受得未食知  
 不遮食知未離座是名五種不足食復有五  
 種足食去何為五一清淨食二少有不淨  
 食相雜三非惡觸食四少有惡觸食相雜五  
 捨其本座是名五種足食復有五種不名足  
 食去何為五一是不清淨食二多有不淨食  
 相雜三惡觸食四多有惡觸食相雜五未離

本座是謂五種不名足食復有五種足食云何為五謂見行食者與食之時苾芻報云我不須或云去或云休或云已足食或云已了斯五皆是決斷不取無餘之言作此語時即名足食復有五種不足食云何為五謂見行食者與食之時苾芻報云我且未須或云且去或云且休或云且待食或云且待了斯五皆是未為決斷有餘之言作此語時不名足食如世尊說苾芻不應飽足食已更復受食時六眾苾芻隨足未足更復噉食少欲苾芻聞生嫌恥作如是語云何苾芻違佛所教隨足不足更受而食即以此緣具白世尊世尊以此因緣集苾芻眾問答知實廣說如上種種訶責告諸苾芻乃至十利故為制學處應如是說

若復苾芻足食竟更食者波逸底迦如是世尊為諸苾芻制學處已時有長者請佛及僧就舍而食有眾多苾芻身嬰病苦其瞻病人

亦去就食既自食已并為病者持食而歸時諸病人不能盡食瞻病之人自足食已更不敢食復無求寂淨人可與令食便將殘食併棄一邊便成大聚時諸烏鳥競來噉食遂致誼聲尔時世尊聞其聲已知而故問阿難陀曰此之烏鳥因何作聲阿難陀白佛言世尊

今日長者請佛及僧於舍受食於此住處多病苾芻時看病人為持食來其病苾芻不能食盡看病之人自足食已更不敢食復無求寂淨人可與將所殘食棄在寺外便成大聚遂有烏鳥競來敢食因致誼聲世尊聞斯語已便作是念我今宜可為諸苾芻得安樂住故及彼施主得受用福故聽作餘食法食告阿難陀我今聽諸苾芻作餘食法隨意而食如佛所言聽作餘食法食時諸苾芻不知云何作餘食法即以此緣往白世尊世尊告曰若有苾芻已足食竟更有施主與五噉五噉美好餘食時諸苾芻情希欲食者彼苾芻應

淨洗手受取其食可詣彼現食苾芻未離座者當前而立作如是語具壽存念我苾芻某甲已飽滿足食竟更復得此珂但尼食蒲縷尼食等情希更食具壽當與我作餘食法時彼苾芻即應為作餘食法食二三口已告曰可去此是汝物隨意當食時彼苾芻既作法

已持向一邊任意飽食若苾芻既足食已情希更食不作餘法而食者得越法罪

有五因緣不成作餘食法云何為五謂任界外或遠處障處或居背後或在傍邊或所對人已離本座此皆不成作餘食法有五因緣成作餘食法云何為五謂同一界內在相近

無障處非背後非傍邊其所對人亦非離座此成作餘食法復有五緣不成作餘食法云何為五謂在界外或遠障處或不以器盛或手不持捧或所對者已離本座此不名為作餘食法有五因緣成作餘食法云何為五謂同一界內在相近無障處或以器盛或手持

捧其所對者未離本座此乃名為作餘食法若其一人作餘食法已有眾多苾芻來共食者悉皆無犯勿致疑惑尔時世尊讚歎持戒及敬重戒者為諸苾芻說隨順法告諸苾芻曰前是剗制此是隨開為諸苾芻重制學處應如是說

若復苾芻足食竟不作餘食法更食者波逸底迦若復苾芻者謂六眾也餘義如上足食竟者謂飽食已離其本座不作餘食法者謂不持二五等食對他作法更食者謂是吞咽此中犯相其事云何若苾芻足食足食想及疑皆得墮罪不足食足食想及疑得惡作罪

益六

五

不足食不足食想足食不足想無犯尔時鄔波離白佛言世尊食何等粥名為足食佛告鄔波離若粥新熟堅起不倒或指等鈎畫其跡不滅食此粥時名為足食大德食何等麩名為足食佛言若初和水攪時堅起不倒或五指鈎其跡不滅食此麩時名為足食又鄔

波離凡是薄粥薄麩皆非足食又無犯者謂  
最初犯人或癡狂心亂痛惱所纏

勸他足食學處第三十五

尔時佛在室羅伐城逝多林給孤獨園時此  
城中有一長者娶妻既久竟無男女所有親  
戚亦並喪亡家道日貧年將衰邁報其婦曰

賢首我今年老不復更能營辦生業欲捨俗  
務而為出家其婦報曰必有信心可隨意去  
長者遂去至逝多林見一年少苾芻就禮足  
已白言大德我欲出家唯願慈悲隨我所欲  
苾芻荅曰我今年少不應為人作出家事長  
者曰我今創來至大德所幸願將導指授餘

人得遂本心為出家事時少年苾芻有親教  
師常修寂定住空林野便將長者往詣師處  
禮足已白言鄔波馱耶此善男子欲於善說  
法律而為出家願親教師與其出家并受圓  
具慈愍故時親教師報弟子曰具壽我無容  
暇如世尊說寧作屠兒常為殺害不與他出

家受圓具已而不教授弟子白言願親教師  
與其出家并受圓具我當教授讀誦作業師  
聞是語便許可之即問難法知清淨已遂與  
出家并受圓具告言賢首此是汝阿遮利耶  
汝當就其受諸學業所有進止並須諮問時  
阿遮利耶教彼讀誦及諸事業時老弟子年

既衰邁不能記憶數有所犯其教授師頻令  
長跪發露罪咎時老弟子作如是念此阿遮  
利耶日日令我當前長跪說其罪過作何方  
便令彼對我長跪說過時有長者請佛及僧  
就舍而食尔時世尊著衣持鉢將諸大眾詣  
長者家飯食訖為彼長者說妙法已并諸大

益六

六

衆從座而去時教授師與老弟子相隨而出  
往親識家到已主人白言聖者可食苾芻曰  
我已食訖長者曰若如是者日時未過隨意  
持去作餘食法慈愍食之師問老者曰汝欲  
得不荅言欲得即持二分至寺外池邊時教  
授師報老弟子曰汝為瀝水為作餘食法耶

老弟子曰我作餘食法師便取水彼即入寺詣未足食苾芻處便將已分作餘食法師分不作師取水已來入寺中間言具壽作餘食法未報言已作即便取食師既食已老者白言願見容許欲詰犯事報言隨意老者曰師今有罪應如法悔師曰我不見罪答曰不作

餘食法食報言具壽我豈不問汝作餘食法未汝云已作何意食已方云不作答曰我分已作非阿遮利耶分師曰具壽我實無罪准斯道理汝當有過即以此事告諸苾芻苾芻聞已共生嫌賤作如是語云何苾芻知飲食不作餘食法故令他食時諸苾芻以此因緣

具白世尊世尊以緣集苾芻眾問答因緣廣如上說乃至云何苾芻知食未作餘食法故令他食世尊種種訶責已告諸苾芻乃至為十利故制其學處應如是說

若復苾芻知他苾芻足食竟不作餘食法勸令更食告言具壽當噉此食以此因緣欲使

他犯生憂惱者波逸底迦

若復苾芻者謂老苾芻餘義如上知者或自覺知或因他告他苾芻者謂此法中人足食見者謂飽食已不作餘食法者謂不對於人他不取食勸者謂遣更食以此為緣欲令他犯結罪釋義並廣如前此中犯相其事云何

若苾芻知他足食不作餘食法勸他令食此可噉爵者波逸底迦又無犯者廣說如前

別眾食學處第三十六

佛在王舍城羯闍鐸迦池竹林園中尔時提婆達多與眾多苾芻在近寺處別眾而食少欲苾芻共生嫌耻云何苾芻於近寺處別眾

而食以此因緣具白世尊世尊集苾芻眾問答因緣廣說知上乃至云何苾芻別眾而食世尊種種訶責已為十利故與諸苾芻制其學處應如是說

若復苾芻別眾食者波逸底迦如是世尊為諸苾芻制學處已時有眾多苾芻身嬰疾苦

益六

七

有一醫人來至寺中諸苾芻問言賢首此苾芻染患請說方藥報言聖者當服如是如是藥兼與小食病苾芻曰誰能施與醫曰我能施與苾芻曰一切僧伽悉能施不報言非諸僧伽仁病當與答曰世尊制戒不許別眾食醫曰仁之大師常有慈愍緣斯事故必當開

許時諸苾芻以此因緣具白世尊世尊告曰除病因緣又諸苾芻爲宰觀波事及營眾事身生疲極隨處偃卧廢修善品時有信心長者入寺見已問言聖者佛之教法務在精勤何故晝眠不修善業苾芻報曰賢首我身飢乏長者報曰何不小食答曰賢首誰當與我報言我與苾芻報曰一切僧伽悉能施不報曰非諸僧伽仁因當與答曰世尊制戒不許別眾食長者報曰仁之大師當有慈愍緣斯事故必當聽許時諸苾芻以緣白佛佛言除作因緣

益六

八

報諸人曰賢首暫時爲住我欲入村乞少飲食貧人曰聖者此處險途多諸賊盜可隨我去我當與食苾芻曰一切僧伽悉能施不答曰不能或可隨力與二三四等苾芻曰世尊制戒不許別眾時諸苾芻並皆絕食廣說如前乃至佛言除道行時

又諸苾芻附船而去人間遊行次至一村時諸苾芻報船人曰暫時爲住我欲入村乞求飲食船人報曰此處河險多有賊盜可宜共去我與仁食苾芻報曰爲一爲眾答曰我不能多或與三四五等苾芻報曰世尊制戒不許別眾食時諸苾芻皆一日絕食以緣白佛佛言除船行時如世尊說五年六年應作頂髻大會時有無量苾芻摠集有淨信居士等別請苾芻曰聖者來食苾芻報曰爲一爲摠居士報曰我不及眾但可二十三十隨力供養答言賢首世尊制戒不許別食時諸苾芻以緣白佛佛言除大會時

尔時影勝王未得見諦以竹林園施露形外道及生淨信得見諦已遂廢外道奉施佛僧而為受用時影勝王舅在外道中出家王白僧曰此是我舅願且留住乃至過失未生任其住止若過起者當遣出去王自供食時諸苾芻於初後夜警覺思惟外道見已起敬信

五六

九

心報苾芻曰我與苾芻食苾芻曰善為一為眾答曰我不能多我之飲食從王處來或十或二十事容得濟苾芻報曰卅尊不許別眾食苾芻曰佛言除沙門施食時尔時卅尊讚歎少欲及尊重戒者為說法已告諸苾芻前是創制此是隨開我今為制學處應如是說

若復苾芻別眾食者除餘時波逸底迦餘時者病時作時道行時船行時大眾食時沙門施食時此是時若復苾芻者謂提婆達多餘義如上別眾食者謂別別而食除餘時者謂除別時病時者於一食時不能安坐作時者或牽觀波或是

眾事下至掃地大如席許或時塗拭如牛卧處道行時者若行半驛或一驛往來船行時者若附他船或半驛一驛大會者謂多人聚集沙門者謂佛法外諸外道類亦名沙門以彼勞身求道故此是隨開結罪同前此中犯相其事云何若苾芻於同界內作同界想及疑為別眾食得波逸底迦若在界外作界內想疑得惡作罪若在界外作界外想及在界內為界外想者無犯凡言住處有二種一根本住處二院外住處若於本處苾芻食時應問院外苾芻同來食不若不問而食者得惡作罪若院外苾芻食時應問本處苾芻來同食不若不問知四人同食者得波逸底迦者三人食一人不食若三圓具一未圓具食皆無犯若以食送彼乃至鹽一七或草葉一握與彼眾處食皆無犯或時施主作如是語但來入者我皆與食或時施主造別房施云於我房中住者我皆與食斯亦無過又無犯者

謂最初犯人餘如上說

非時食處第三十七

佛在室羅伐城逝多林給孤獨園介時大目犍連與十七眾出家并受圓具以小邬波離為首悉皆少壯於小食時著衣持鉢入城乞食女人之行以貪愛為首時有眾多女人見

益六

十

十七眾年少苾芻持鉢乞食即皆以手搥背作如是語此諸苾芻從小至大勞母養育曾無報德便捨出家有何果利何不生已將土填口棄之坑塹時十七眾聞斯語已咸生愧恥共相謂曰我今寧可絕粒忍飢不復巡家聞他惡說各歸寺所斷食而住乃至食力未

盡已來修諸善品食力既盡悉皆偃卧時邬波難陀見而問曰汝十七眾食是他物腹豈他耶云何飽食而卧不修善品彼言大德誰飽食耶答是汝等時十七眾即以上事告知邬波難陀聞已默去是時有諸俗侶在園林中遊戲歡譙日已過中時十七眾亦至園內

於眾人前自摩其腹說伽他曰

佛說美妙語 徧滿於世間 苦中無越飢

斯言最為實

諸人見已問言聖者欲得食耶答曰欲得諸人以好飲食而持與之彼皆飽食既飽滿已各還本所兩兩相隨高聲誦習時邬波難陀

聞誦習聲來至其所問言汝十七眾何故今時發起精進高聲誦習倍異於常十七眾答曰豈不曾聞世尊有說若心歡樂者能演於法義邬波難陀曰汝於今日得好食耶答言於彼園中得飽足食邬波難陀曰向我問汝云並飢虛何故今時乃云飽足豈可汝等非

益六

十一

時食耶答曰午前不得中後不餐豈我忍飢而取命過少欲苾芻聞生嫌恥共作是語云何苾芻非時而食以此因緣具白世尊世尊即便集苾芻眾問答緣起廣說如上乃至云何苾芻非時而食世尊種種訶責告諸苾芻為十利故制其學處應如是說

若復苾芻非時食者波逸底迦

若復苾芻者謂十上眾餘義如上言非時者有其二種一謂過中已去二謂明相未出已來結罪同前此中犯相其事云何若苾芻非時非時想及疑食者波逸底迦若時非時想及疑食得惡作罪若時作時想非時時想無犯又無犯者謂最初犯人餘如上說

食曾觸食學處第三十八

佛在室羅伐城逝多林給孤獨園時具壽哥羅常法如是每居村邑於小食時著衣持鉢入村邑中次第乞食威儀庠審防護諸根善安念任若得食時是濕飲者以鉢受之若是

乾飯置鉢巾內既得食已所有濕飯當日食之乾飯曬曝舉之氣內若遇風寒陰雨即以暖水潤漬用充其食既飽食已便受靜慮解脫等持等至微妙之樂諸佛常法安住世間於時時中往捺洛迦傍生餓鬼人天諸趣及山林河澗停屍之所或苾芻住處而為觀察

此中因緣為觀住處尔時世尊便往具壽哥羅所住之房見曬乾飯告阿難陀曰今此曬者是誰乾飯時阿難陀具以哥羅乞食之事如前廣說乃至受微妙樂佛告阿難陀頗有苾芻食曾觸食耶阿難陀白佛言有世尊集眾種種訶責嫌毀不寂靜讚知足行告諸苾

芻曰我今為諸苾芻制其學處應如是說

若復苾芻食曾經觸食者波逸底迦

若復苾芻者謂哥羅苾芻餘義如上曾經觸者有二種觸一謂中前受過午觸二謂過午受過更觸若苾芻知是曾觸食不作法而重吞咽者結罪同前此中犯相其事云何若苾

益六

十一

芻於曾觸食作曾觸想及疑食者波逸底迦若非曾觸作曾觸想疑得惡作罪若非觸非觸想或觸作非觸想無犯佛言若諸苾芻曾所觸鉢未好淨洗若小鉢若匙若銅盞若安鹽器而用飲用食者皆得波逸底迦罪若手觸鉢袋若拭巾錫杖若戶鑰及鎖如是等物

若觸捉已不淨洗手捉餘飲食乃至果等吞咽之時皆得波逸底迦罪若苾芻欲飲水時不淨洗口吞咽之時得惡作罪若以澡豆土等清淨澡漱者無犯又無犯者謂最初犯人餘如上說

不受食學處第三十九

佛在室羅伐城逝多林給孤獨園尔時具壽大哥羅苾芻於一切時常用深摩舍那處鉢謂是棄死處舊云尸隨者說也著深摩舍那處衣食深摩舍那鉢若有人死棄在野田時諸親族以瓦甌鉢而為祭器時大哥羅取以充鉢云何死

人衣是諸親族以衣贈屍棄之田野時大哥羅取以浣捺縫制為衣云何死人食是諸親族以五圍食祭饗亡靈時大哥羅取而充食云何死人卧具此大哥羅常在屍處而為眠卧是謂屍林鉢衣食卧具也若人多死時大哥羅身體肥盛不復數往城中乞食若無人

十一

十三

死時大哥羅身形羸瘦數往城中巡門乞食時守門者作心記念大哥羅苾芻若人多死身則肥盛若死人少身便羸瘦豈非聖者大哥羅食死人肉耶時此城中有一婆羅門娶妻未久便誕一女女既長大父遂身亡時諸親族其嚴喪禮送至屍林焚已歸舍其妻及

女哭在一邊時大哥羅看燒死屍時女見已告其母曰今此聖者大哥羅猶如瞎烏守屍而住時有人聞來告苾芻苾芻白佛佛言彼婆羅門女自為損害我聲聞弟子德若妙高作產惡言共相輕毀緣斯惡業於五百生中常為瞎烏時遠近人眾咸聞世尊記婆羅門女於五百生中常為瞎烏其母聞已作如是語佛記我女五百生內常為瞎烏何苦之甚母即將女往世尊所禮佛足已白佛言世尊唯願慈悲恕此小女緣無識故非毒害心輒出此言願見容捨世尊告曰豈我為惡呪令彼受耶由此女子輕心麁語墮傍生中若重

惡心當墮地獄女人聞已從座而去時城中人見守門者云具壽大哥羅食死人肉復聞小女所出惡言諸人即便作如是語我等宜應往屍林所看具壽大哥羅云食死人其事虛實復共議曰我等如何得知虛實可令一人作死人狀諸人共與至屍林處遂遣一人

為死屍相其人報曰豈欲令彼食我肉耶諸人報曰汝不須憂我當相護時彼即便作死人像以黃薑油徧體塗拭即在牀上安祭食五團共與出城向屍林所時大哥羅入城乞食見與屍出便作是念我今迴去食此五團何假巡門辛苦求乞時伴死人見苾芻迴告

諸人曰大哥羅來必欲食我諸人報曰我共相護汝不須憂即便與至屍林置之于地各入叢薄伺彼苾芻有一野干欲向屍處食彼五團時大哥羅便作是念忽此野干敢其祭食令我一日受其飢餓即便疾去驅彼野干時伴死人見苾芻來遂便大叫喫我喫我時

益六

十四

彼諸人各執棒杖來至其所告苾芻曰聖者汝著大仙服捨俗出家而更於今作重惡業苾芻報曰我作何事諸人告曰汝食人肉荅曰仁等見我持刀割肉而噉食耶荅言不見諸人曰若如是者何意疾走向死人邊哥羅報曰我見野干來食祭食此若食者我受飢

虛意欲疾驅更無惡念諸人報曰任汝所言隨食何物然聲徧城郭云汝食人作是語已相隨而去告諸苾芻時諸苾芻聞是語已具白世尊世尊聞已作如是念凡諸苾芻由不受食有此過生是故我今勅諸苾芻受取應食令他證知故如佛所教受取方食諸苾芻

不知如何成受佛言有五種受一身與身受二身與物受三物與身受四物與物受五置地受云何身與身受謂他手授以手受取云何身與物受謂他以手授以鉢受取云何物與身受謂他以鉢授以手受取云何物與物受謂他以鉢授以鉢受取云何置地受汝等苾

芻應知有一邊國人多惡賤乃至父母兄弟姊妹情多嫌惡不用相近若苾芻至此國時可於巷陌乞食之處作小曼荼羅壇應置鉢已在一邊住心緣於鉢有施食者令著鉢中即各為受又有五種受或牀或座或拈或衣或鉢苾芻應可用心仰手承其一邊令彼懸

益六

十五

放皆名為受有五種不成受食云何為五謂在界外或見遠處障處或在傍邊或居背後或時合手是謂五種不成受食有五成受反上應知時有淨信婆羅門居士以諸好果供養苾芻苾芻不受諸人報曰若佛未出世我等皆以外道而為福田既出世間我等以仁為福田處我有所施仁不受者我等豈可捨善資糧欲行他世幸願慈悲為我受取時諸苾芻以緣白佛佛言應為受取作淨應食苾芻不知如何作淨佛言有五種作淨云何為五謂火淨刀淨爪淨蕪乾淨鳥啄淨是謂為五復有五種作淨謂枝根淨手折淨截斷淨

劈破淨無子淨云何火淨謂以火觸著云何刀淨謂以刀損壞云何爪淨謂以爪甲傷損云何蕪乾淨謂自蕪乾不堪為種云何鳥啄淨謂鳥雀啄損次五易知如佛所教作淨應食苾芻即便一一作淨遂至過中不得噉食佛言所有果等應為一聚應以火刀於三四

處而觸損之此名為淨如世尊說受果應食時諸苾芻一一別受日遂過中佛言隨食惣取不應別受又僧家淨人行果之時不能均等佛言應令求寂行之此復不均佛言應大苾芻受取自行仍不能均佛言應為三等謂上中下應觀好惡均等與之其行果人所應得分行了方與或得惡者或可摠無佛言應先出分便出好者苾芻見嫌佛言彼之二師應為受分仍得好者便起悔心佛言至於座次應為受取時比座苾芻起而為受佛言不應起受隨手及處應為受取置鉢中時果便轉去苾芻更受佛言不應更受隨手及處應

取食之手不及處應須更受苾芻行果時器物重大不能獨舉俗人來見報言大德我相助行苾芻不許佛言應可共行苾芻與俗各執一邊俗人先執苾芻在後佛言不應尔苾芻應先受取執一邊已次令俗人執後共行之俗人先放苾芻在後佛言不應尔應苾芻

益六

十六

先放俗人在後苾芻行時諸苾芻更受而食佛言若於苾芻邊受得者即成舊受若俗人邊受得者便成新受時有淨信施主以瓊盛酥蜜油及沙糖來施現前僧諸苾芻不肯受佛言應受苾芻應行行時汗衣佛言應以草替若置地時瓊便轉側佛言不安支物行酥

蜜已瓊歸本主彼言聖者豈施酥蜜瓊不施耶此亦隨仁所須受用苾芻不知得成淨不佛言應取置深水中漬七八日待諸魚鼈啖盡油膩應與僧家淨廚處用如佛所說受取應食六衆苾芻隨受不受取之而食少欲苾芻見已嫌恥云何苾芻故違聖教不受而食

以此因緣具白世尊世尊集諸苾芻問其虛實廣說如前乃至為諸苾芻為十利故制其學處應如是說

若復苾芻不受食舉著口中而噉咽者波逸底迦如是世尊為制學處已時有阿蘭若苾芻水及齒木無人授與便捨靜處至聚落中

世尊見已知而故問阿難陀何處蘭若苾芻棄彼任處來入聚落時阿難陀白佛言如佛所制不受之物不置口中而為吞咽為此蘭若苾芻水及齒木無人授與皆來入村求授與人佛告阿難陀除水及齒木時有諸苾芻人間遊行經過險路無人授食時有菩薩為

益六

十七

調伏有情故現作智馬獅猴熊羆為諸苾芻授其果食苾芻不受時諸苾芻迴還白佛佛言若諸有情知授未授皆得授食勿致疑心由此因緣告諸苾芻曰前是創制此是隨開應如是說

若復苾芻不受食舉著口中而噉咽者除水

及齒木波逸底迦

若復苾芻者謂大哥羅也餘義如上不受者謂不從他受得也食者謂二五等噉咽者謂吞咽也除水及齒木者謂除此物餘皆須受結罪同前此中犯相其事云何若苾芻不受食作不受想及疑等二重二輕後二無犯及

無犯事廣如上說時諸苾芻咸皆有疑請世尊曰大德具壽大哥羅曾作何業常樂住在深摩舍那依佛出家斷除諸惑成阿羅漢而被謗讟云汝食人出尊告曰此大哥羅自所作業若善若惡因緣會合果熟之時還於自身蘊界處受不於外界地水火風而令成熟

即說頌曰

假令經百劫 所作業不亡 因緣會遇時 果報還自受

汝等善聽於過去世時婆羅痾斯城有一獨覺名曰希尚依此城外古仙住處而為居止常有無量百千萬億諸天徒眾隨逐其後每

入城中須乞食時常在屍林邊過此棄屍處有一藥叉依止而住食死人肉若希尚獨覺從林過時由諸天威勢此藥叉神即便逃避時諸死屍便被野干狸狗之所食敢藥叉作如是念此出家者常惱於我我宜作不吉祥事今不復來便以死人手棄彼鉢中令諸人

見時此城人皆傳惡響此出家者每食人肉獨覺知己便生是念勿當令此無識藥叉受諸苦報為憐愍故即於其前踊昇虛空現大神變上出烟燄下流清水作不思議令生正信諸異生類見神通時疾能改悔投身于地如大樹摧遙禮聖足求哀懺謝作如是語願

益六

十八

大福田速放身下我之無識沉惡行泥幸降慈悲授手相濟時彼聖人即放身下藥叉便於鉢中取死人手棄之於外告城中人曰非出家者實噉人肉是我惡心為此誹謗禮足申謝我作惡業惱勝福田勿於當來受太苦報深心禮敬所有懺謝功德於未來世當遇

勝此無上大師承事供養當獲聖果佛告諸  
苾芻汝等勿生異念往時樂義者即大哥羅  
是由於獨覺惡心誹謗影惡聲故復生悔恨  
求哀懺謝由惡業故於五百生中常被惡聲  
之所謗說由生悔心發誓願故得值遇我而  
為出家斷眾煩惱證羅漢果我勝羅漢百千

萬億得相遭遇恭敬供養心無貳捨汝等苾  
芻若作純黑業得純黑異熟若作黑白雜業  
得雜異熟若作純白業得純白異熟是故汝  
等捨餘二業當修純白如是應修

後攝頌曰  
常處於屍林 及以守門者 諸人作伴死

共觀虛實事 受食有五種 苾芻開自行  
險途許畜生 哥羅緣最後

十九末

根本說一切有部毗奈耶卷第三十六 益六  
痿烏為珂反何嚙齧上才約反繕時扇咽於  
反匙是夫慮上音詰反一匕必覆握於角

根本說一切有部毗奈耶卷第三十七 益七

唐三藏法師義淨奉 制譯

索美食學處第四十

尔時薄伽梵在釋迦任處人間遊行至劫比  
羅城多根樹園時釋子大名聞佛世尊今來  
至此多根樹園中即便往詣既至彼已頂禮

佛足在一面坐佛為說法示教利喜默然而  
住時釋子大名即從座起偏露右肩合掌恭  
敬白佛言世尊唯願慈悲佛及僧眾明日就  
舍受我微供尔時世尊默然而受時釋子大  
名見佛默然為受請已禮佛而去既至舍中  
告家人曰佛及僧眾新來至此道路艱辛汝

等宜應具辦美食異解疲倦時彼家人既承  
教已即於其夜備辦種種上妙飲食時六眾  
苾芻晨朝起已共聚一處上座難陀告諸人  
曰諸具壽我等宜可詣親友家觀其好不諸  
人報曰如是應行是時六眾共詣俗舍親友  
見之白言聖者可於此食六眾曰我等已受